

# ABWASCH

mit Klaus Wührl



## Langeweile

„Soch amol, Gerch, redst du ewa nimmer mit mier?“ „Wieso sollerd denn iech nimmer mit dir redn?“ „No, weilst die ganze Zeitung glesn host und immer no kaana Kommentare obgibst.“ „Do kann iech nix dafier. Lauter langweiligs Zeug steht do drinna!“ „Wos? Langweiligs Zeug? Iech denk, mir hom Wahlkampf. Geht's do net recht wild zu?“ „Maana solt mers. Ower nix is. Die redn alle immer den gleichen oldn Kees. Sin ja aa immer die gleichen oldn Dambfblauderer“ „Ower etzat sin doch so viel Neia auf dena Listn.“ „Die hom ower gor nix zon sogn. Noch net amol im Landkreis streitn sa sich. Iech glaab, die drei Landratskandidatn woll'n gor kaan Wahlkampf. Denen wär a Driumvirat liewa!“ „Ower wenichstens aafn Dierschutzverein is Verlass. Do is doch immer wos los.“ „Ach geh. Des wird doch allmählich aa langweilig. Alle halbe Jahr an neia Vorstand, no streitn's, no gibt's a boar Leserbriefe, a boar Anwäld verdiena a Geld damit. Aa immer der gleicha Kees!“ „No, du bist heid ower griddisch. Hätts't liewa Zustand wie in Amerika?“ „Manst so Auftritte mit Walter 'Obama' Nadler? Oder mit Beate 'Hillary' Kuhn oder Brigitte 'Clinton' Merk-Erbe? Und mir missertn immer hie geh und Fähnla schwenken und kreischen wie damisch?“ „Genau. Und 'pikante Details' missert mer aasgrom: Ob der Nadler in der Nosn bohrt, ob die Kuhn ihn Garddn aafgraamt hod, wie's bei der Merk-Erbe dahaam zugeht.“ „Waaßt, wenn ich mir des so iewerleg... Do is unner langweiligs Bareid eigentlich gor net so schlächt.“

Eine angenehme Woche wünscht Ihnen  
Ihr Hausmann